



● RECacciona

A ze para, hezkuntza eta gazteak! Bideo lehiaketa

Egin al dizkiozu inoiz zure buruari **honako galderak**? Egokia al da gaur egun dugun hezkuntza sistema? Zer ikasi beharko **genuke beste metodologia edo herrialdeetatik**? **Gazteon hitza** kontutan hartzen da sistema hau diseinatzeko orduan?

Azken garaian ematen ari diren **aldaketa eta erreformekin**, hezkuntza sistema hobera edo okerrera doala uste duzu?

Gaur egungo hezkuntza dela eta, nola ikusten dituzu **etorkizuneko gazteak**?

Baliabide ekonomiko gutxi duten gazteek ikasteko aukera bermatua dute indarrean dagoen beka sistemarekin?

Zure ikuspuntutik, hezkuntza sistemak **hizkuntza eskubideak** bermatzen ditu?

Gustatzen ez zaizuna **aldatzeko zerbait egin** dezakezula uste duzu?

Ordezkarri politikoei gazteria eta hezkuntzaren inguruan zerbait esan nahi diezu?

Honi guztiari aurre egiteko **proposamenen bat** bururatzen al zaizu?

Adierazi ezazu bideo batean! Euskadiko Gazteriaren Kontseilutik, bideo lehiaketa abiatu dugu, “**RECacciona. A ze para, hezkuntza eta gazteak!**” lelopean. Hauxe da nahi duguna: hezkuntza eta gazteak gaiaren inguruko eztabaida sustatu, zu bezalako pertsona eta elkarten artean, eta sortzen diren ideiak administrazioetara helarazi.

Sari bikainak ditugu, parte hartuko duzu?

- **Gutxienez bi** pertsonaz osatutako taldea egin.
- **Izen emate orria** bete.
- **Gehienez 4 minutuko** iraupena duen bideoa egin.
- **Youtube-ra** igo ezazu, bidali lotura komunika@egk.org helbidera eta bidali kopia bat DVDan Euskadiko Gazteriaren Kontseiluko edozein egoitzara, maiatzaren 26a baino lehen.



● Oinarriak

1. Helburua

Hezkuntza eta gazteak gaiaren inguruko eztabaida sustatzeko abiatu du lehiaketa hau Euskadiko Gazteriaren Kontseiluak, baita gazteek gai honen inguruan dituzten ideia eta ikuspuntu ezberdinak jaso eta zabaltzeko ere.

2. Gaia

Lehiaketaren gaia honako hau da: **"RECacciona, a ze parea, hezkuntza eta gazteak!"**. Bideoek, gaiarekin lotura dituzten gazteen ekarpenak eta hausnarketak jaso behar dituzte, galdera hautariko bat edo batzuei erantzuna emanez:

- Zure ikuspuntutik, egokia al da gaur egun dugun hezkuntza sistema?
- Zure esku egongo balitz, ze hezkuntza sistema eraikiko zenuke? Ze metodologia edo beste herrialdeetako sisteman oinarrituta? Zeintzuk dira zure proposamenak?
- Gazteen hitza hezkuntza sistema diseinatzeko orduan kontutan hartzen dela deritzozu? Zer egin genezake komunikazioa hobetzeko eta gure ekarpenak erabakitze organoetara eramateko?
- Azken garaian ematen ari diren aldaketa eta erreformekin, zer uste duzu, hezkuntza sistema hobera edo okerrera doala?
- Gaur egungo hezkuntza dela eta, nola ikusten dituzu etorkizuneko gazteak?
- Zure ustez, baliabide ekonomiko gutxi duten gazteek ikasteko aukera bermatua dute indarrean dagoen beka sistemarekin?
- Zure ikuspuntutik, hezkuntza sistemak hizkuntza eskubideak bermatzen ditu?
- ... eta honen inguruan bururatzen zaizkizun bestelako ideiak.

Gogoratu EGKren eginkizuna gazteen politika publikoetan eragina izatea dela. Horregatik, gazteen hezkuntzaren inguruko bideoek lehentasuna izango dute (DBH, batxilergoa, lanbide heziketa, unibertsitate irakaskuntza...).

3. Parte-hartzaileak

16-30 urte bitarteko pertsona guztiek parte har dezakete, gutxienez bi pertsonaz osatutako taldetan. Talde batean 18 urte beherako norbait baldin badago, adin nagusiko pertsona bat izango da taldearen arduraduna, eta hala adieraziko du izen-emate orrian.

4. Bideoen ezaugarriak

Proposatutako gaiarekin bat etortzeaz gain, honako baldintzak bete behar dituzte bideoek:



- Aurretik **argitaratu gabeak** izan behar dira.
- **Euskaraz, gazteleraz edo bi hizkuntzetan** izan daitezke. Gazteleraz izatekotan, euskararen presentziaren bat bermatu beharko da (adibidez azpitoluetan, kredituetan, animazioetan...).
- Bideoaren hasieran **lehiaketaren kareta** jarri behar da. Lehiaketan izena ematerakoan jasoko dute kareta parte-hartzaileek.
- **Gehienez lau minutuko** iraupena izatea, kareta eta kreditoak barne.
- **Youtube**-k onartutako formatuetako batean egotea.
- Irudi eta soinu guztien **eskubideak libreak** izan beharko dira edo, bestela, titularraren **baimenaren** ziurtagiria aurkeztu beharko da.
- Euskadiko Gazteriaren Kontseiluak ez ditu indarkeria, sexismoa, homofobia eta arrazakeria edukiak edo pertsonen oinarrizko giza **eskubideak urratzen** dituzten bideoak onartuko. Era berean, EGK-k ez du izango bideoen edukien eta iritzien gaineko ardurarik.

Genero guztietako bideoak onartuko dira: argazki-muntaiak, antzerkia, dokumentalak, bideo-komikiak, ilustrazio animatuak, ikus-entzunezko olerkia, kronika... Edozein gailu erabili daiteke (argazki-kamera, bideokamera, mugikorra...).

5. Lehiaketaren faseak

- **Izen emateak**: maiatzaren 26ra arte.
- Bideoen bidalketa: maiatzaren 26ra arte.
 - Bideoa **Youtubera** igo eta bidali lotura komunika@egk.org helbidera.
 - Gainera, **DVD kopia bat eraman edo bidali** Euskadiko Gazteriaren Kontseiluko edozein egoitzara:
 - Bilbao: Autonomía 44, behea. 48010.
 - Vitoria-Gasteiz: Ramiro de Maeztu, 15, behea. 01008.
 - Donostia: Andia, 11, nagusia. 20004.
- **Epaimahaiaren erabakia eta publikoaren bozketak**: ekainaren 15era arte.
- **Sari-banaketa eta sarituen jakinarazpena**: ekainaren 26a baino lehen.

6. Sariak

Honako sariak banatuko dira:

- **Lehenengo saria**: **1.000** euro, hezkuntza mailan dituzun ideia eta planak aurrera eramateko, ala zure parte-hartze proiektuetan gastatzeko*.
- **Bigarren saria (publikoak aukeratutako saria)**: **400** euro, hezkuntza mailan dituzun ideia eta planak aurrera eramateko, ala zure parte-hartze proiektuetan gastatzeko*.
- **Ikusleentzat saria**: **50** euro bidezko merkataritzako saltoki batean gastatzeko.

*Zertarako erabili daitezke lehenengo eta bigarren sariak?



- **Hezkuntzarekin** lotura duen **formazioa edo ikastaro bat egiteko**.
- **Hezkuntza** mailan dituzun **idea eta planak** aurrera eramateko (enpresa muntatzen hasteko, lan-proiektu baterako materiala erosteko...).
- **Hezkuntzarekin** zerikusia duen proiekturen bat gauzatzeko (bideo bat grabatu, argazki-erakusketa bat egin, koreografia bat muntatu, argitalpen bat editatu, jardunaldi batzuk antolatu...).
- Hezkuntzarekin lotura duen ekimen bat edo elkartegintza esperientzia bat **ezagutzeko bidaiatzea**.
- Elkarte edo gizarte mugimendu batean **ekintzak** antolatzeko.
- **Brigada** batean parte hartzeko, Hegoaldeko **lankidetzak** proiektu batean parte-hartzeko, bidaia solidario bat ala elkartrukeak egiteko...
- Elkarte bati, gizarte proiektu bati edo Gobernu Kanpoko Erakunderen bati dirua **emateko** edo kolektibo batentzat **materiala** erosteko.
- Bururatu ez zaizkigun ekimenetarako (zure ideia izen emate orrian aipatu).

Parte hartzaileek saria zertarako erabili nahi duten gutxi gora behera aurreratu beharko dute [izen-emate](#) orrian. Zalantzaren bat izatekotan, komunika@egk.org helbidera idatzi edo 943 429767 telefonora deitu dezakete. Dena den, behin saria jasotakoan ideiaz aldatzekotan, saria erabiltzeko beste ideien bat aurkeztu diezaioekete parte-hartzaileek Gazteriaren Kontseiluari.

Sariak emateko, Euskadiko Gazteriaren Kontseiluak honakoa egingo du: irabazleen proiektu edo ideien **gastuak ordaindu**, sariaren zenbateko osoa gastatu arte (inprenta, hegazki-txartelak, ikus-entzunezko materiala... edo parte-hartzaileek aukeratu dituzten bestelako gastuak). Saria 2015eko azaroaren 27a baino lehen erabili behar izango da.

Proiektu edo ideien ezaugarriak direla-eta, eraginkorragoa ikusten badu, Euskadiko Gazteriaren Kontseiluak 1.000 euroko **txekea** emango die lehenengo sariko irabazleei, eta 400 euroko txekea bigarren saria jaso dutenei. Ondoren, sarituek diru hori alde aurretik zehaztutako proiektu edo ideian gastatu dutela justifikatu behar izango dute, 2016ko ekainaren 30a baino lehen.

Ikusleentzako saria ere 2015eko abenduaren 18a baino lehen erabili behar izango da. Zozketa honen oinarriak Euskadiko Gazteriaren Kontseiluaren atarian argitaratuko dira (www.egk.org), 2015eko ekainaren 10a baino lehen.

7. Epaimahaia

Honako kideek osatuko dute lehiaketaren epaimahaia: Hezkuntza Foroko bi kide, Euskadiko Gazteriaren Kontseiluko Batzorde Iraunkorreko bi kide eta EGK-ko langile bat.

Honako irizpideak izango ditu kontutan epai mahaiak:

- Bideoak lehiaketaren **oinarriak** betetzea.
- Lanak proposatutako **gaia** ondo adieraztea.
- Mezua **jatorrikoa** eta **sortzailea** izatea.
- Kalitate teknikoa bigarren mailako irizpidea izango da.



Oinarri hauetan zehaztutako baldintzak betetzen ez dituzten lanak baztertzeko eskubidea du epaimahaiak.

Epai mahiaren erabakia zehazteke dagoen leku eta egun batean emango da argitara.

8. Alderdi legalak

Izena ematerakoan parte hartzaileak lehiaketaren **oinarriak irakurri eta ulertu dituela** adierazten du. Lehiaketa honetan parte hartzeak oinarri guztien **onarpena** suposatzen du. Parte hartzaileak izango dira bideoetan azaltzen diren pertsonengatik irudi eskubideak direla eta izan daitekeen edozein erreklamazioaren erantzule bakarrak. Bideoan adingabeak agertzen badira, lehiakideek pertsona horien tutoreen baimena aurkeztu beharko dute.

Datu Pertsonalen Babeserako 15/1999 Lege Organikoaren arabera, parte-hartzaileek izen-emate formularioa bidaltzerakoan Gazteriaren Kontseiluari emandako datu pertsonalak lehiaketarako beharrezkoak diren izapide eta gestioetan kudeatzeko baimena ematen diete.

Lehiaketan parte hartzen duten pertsonak baimena ematen diote EGKri materiala, doan eta egoki ikusten den edozein euskarritan **hedatzeko, banatzeko, erakusteko, publikoki komunikatzeko**, zabaltzeko eta erreproduzitzeko.

Euskadiko Gazteriaren Kontseiluak lehiaketa honetako oinarriak edozein momentutan **interpretatzeko edo aldatzeko** eskubidea du, baita saria eman gabe uzteko eta lehiaketa bera bertan behera uzteko ere, beti ere tartean neurri hori bidezkotzen duen arrazoiren bat bada. Edozein kasutan, EGK-k oinarri hauetan eman daitekeen edozein aldaketa, eta bere kasuan, lehiaketa osoaren baliogabetzea bide honen bidez komunikatzeko konpromisoa du parte-hartzaile guztiek informazio hori eskura izan dezaten.

● Kronograma

Izen-ematea eta bideoen bidalketa: maiatzaren 26ra arte.

Bozketak eta epaimahaiaren erabakia: ekainaren 15era arte.

Sarien jakinarazpena eta sari-banaketa: ekainaren 26a baino lehen.